

公開組

冠軍

劉浚渠

蝶戀花 學海書樓百周年感賦
倚檻東南惟默默△浩
蕩西湖。捲起蒙籠碧△
拾墜絮雲宜巨擘△霞
光漸放微微白△
我欲與天延一脈△當
日書樓。誰道乾坤窄△
大老會堂供接席△百
年海角依然立△

評語：鋪陳有法，百年而下，
猶見高風。

亞軍

杜秉國

蝶戀花 曇殊居士
樂府離聲揚穗滬△憑
仗丹青。更得時人譽△
袖拂烏絲生麗句△春
風白馬看瓊宇△
老歲飄蓬何所去△燈
火漁艇。便是銷魂處△
解聽二喬絃上語△清
樽和淚催吟緒△

評語：詠鄧芬一生，一唱三歎，
讀竟為之銷凝。

季軍

黃芳枚

蝶戀花 洋紅、黃花風鈴木並開
粉染輕綃綉染絹△並
艷風鈴。三月開芳甸△
嫩絳鮮黃滋九畹△新
晴映日連雲遠△
花事漸穠心漸惋△草
草浮生。急景如馳電△
匝地繁英憐細軟△惜
春何計將春縮△

評語：感花事而嘆浮生，
情深意遠。

優異獎

王維偉

蝶戀花 霧夜憶西湖昔遊
霧夜登樓風料峭△遊
目憑闌。莫恨韶光少△
側帽西湖歌復嘯△蘇
堤信步觀春曉△
流水落花俱杳杳△誰
倚垂楊。獨憶餘音裊△
涼月低迴穿樹杪△孤
光今向愁人照△

評語：言簡意深，
不勝今昔之感。

王錦洪

蝶戀花 夜讀聊齋志異
姑妄言之姑妄聽△說
鬼談狐。冷雨秋燈暝△
前世今生因果證△奇
書足與搜神並△
善惡正邪須細認△滿
紙荒唐。中有真性情△
識破畫皮藏魅影△名
篇深意誰人省△

評語：字穩意深，
詼諧中見敦厚。

李愛道

蝶戀花 南音雅敘
秋月涼風歌未了△琴
韻簫聲。拍和悠颺調△
浪裏拋舟腔更妙△芳
詞唱徹迴腸繞△
重引宮商傳素抱△檀
板輕敲。一曲漁家傲△
流水清舒音嫋嫋△飛
鷗數點煙岑渺△

評語：下筆精妙，
甚得南音神韻。

優異獎

杜鑑深

蝶戀花 旗袍

婀娜輕移蓮步碎△國
服長袍。舒展裙裾美△
帕繞萊蕪腰旖旎△薰
香賺得檀郎醉△
憶昔大千曾彩繪△旋
衣名媛。身上雲濤曳△
縱有浣斑毋濯洗△當
中恐染相思淚△

評語：描寫細緻，詞中有畫。

陳偉祥

蝶戀花 夕陽之歌·梅孃謝幕曲

不向彩雲揮別袖△佇
眷睨階。顧盼時回首△
水珮風裳微掩瘦△夕
陽歌歇於斯後△
莫道深情人少有△太
上忘情。我輩鍾情久△
影事前塵重認舊△餘
音屢向心扉扣△

評語：纏綿情多，氣韻典雅。

特別獎

曹順祥

蝶戀花 疫情後清明歸鄉掃墓

一別鄉關成陌路△歷
亂經年。契闊都如許△
衣領風塵露墜露△飛
鴻寂寞歸南畝△
粉蝶還來塋上舞△舊
宅新墳。不恨人間苦△
昔日根苗香滿樹△天
長地遠憑誰訴△

評語：聲悲辭苦，不損中和。

葉松年

蝶戀花 登馬鞍山

並峙巍峩巒岫翠△結
伴同遊。好趁春寒退△
任是嶮巖寧可畏△攀
緣莫負凌雲志△
縱目晴嵐彌海際△世
路艱危。試問誰能避△
佛謂無明如幻翳△振
衣細細還參味△

評語：善形容，亦具哲理。

*優異獎及特別獎排名按姓氏筆畫序



第三十二屆全港
詩詞創作比賽
填詞

得獎作品



第三十二屆全港詩詞創作比賽填詞

香港公共圖書館自一九九一年開始舉辦「全港詩詞創作比賽」，單年比詩，雙年比詞。二零二二年是香港公共圖書館成立六十周年，館方舉辦「第三十二屆全港詩詞創作比賽」，旨在提高市民的中國語文運用及韻文欣賞能力。

本屆「填詞比賽」的詞牌為〈蝶戀花〉，邀得何文匯教授、陳煒舜教授、黃坤堯教授及劉衛林教授擔任評審委員。是屆比賽投稿反應踴躍，共收到五百多份參賽作品。學生組和公開組兩個組別的參賽作品水準甚高，評審委員經初選、複選，反覆討論，方能決定名次。為確保評選公正，整個評審過程採用糊名方式進行。評判團更會見學生組入選作品的作者，並請作者即席創作對聯，藉以選定優勝作品。

學生組

冠軍

林暉峻 香港中文大學

蝶戀花 憶學海書樓翠賢

蕭颯西風凋社稷△花
果飄零。枝葉何堪覓△
日月丘陵皆失色△乘
桴浮海之夷狄△
十八翰林心不戚△南
島傳經。惟望靈根植△
豈懼雲深兼景昃△一
朝木鐸鏗千國△

評語：情真意切，氣象恢宏，感人肺腑。

亞軍

洪櫻淇 香港樹仁大學

蝶戀花 竹篙灣隔離有感

寒夜竹篙灣不寐△方
几空床。倚牖望丹桂△
殘靄不聞人涕淚△斜
輝入戶觀憔悴△
晨起羹湯窗外置△愁
緒如麻。嘆食之無味△
唯願明朝瘟疫退△思
家離客終歸里△

評語：善鋪陳，不假比興，亦能感人。

季軍

黃明怡 香港樹仁大學

蝶戀花 玉兔號

碧海藍橋銀漢徑△笑
說天廷。探月尋仙境△
欲睹廣寒宮闕景△扶
搖直上登高嶺△
不見嫦娥殘石賸△遙
望人間。已在天涯覓△
搗藥三年終告罄△望
歸故里無人應△

評語：立意新奇，用語精妙。

優異獎

文成峰 香港大學

蝶戀花 思宇宙浩翰

見人爭鬥不休有感

兵過牆摧鄉外避△寰
宇為家。紙上空談計△
鴿去從教安定逝△帝
王一令添新鬼△
地上恣睢窮火器△星
海無垠。門戶難揚棄△
蝸角狼煙烽火勢△天
人不語空流涕△

評語：思玄作賦，不掩愁懷。

金沚朗 香港樹仁大學

蝶戀花 殘波岬燈塔

岸下岩苔連水碧△千
疊殘波。一葦留行跡△
海露岬尖燈指日△光
搖霽後春雲疾△
直上迴環重九級△百
尺蒼崖。遠望天無極△
肆意呼來風敲擊△忘
機狎鳥還相惜△

評語：懷古惜今，下筆傳神。

梁慧珊 香港城市大學

蝶戀花 七夕聚散

星捧玉盤盈萬里△儷
影雙雙。滿照江邊水△
燕約鶯期今夕始△曇
開花現明朝止△
旭日雲開晨露至△南
雁悲鳴。方覺孤風起△
望以鵲橋郎女比△思
君夢裏嬋娟意△

評語：哀而不傷，疏密有致。

優異獎

蔡懿德 香港大學

蝶戀花 春光

粉玉玲瓏芳澤抱△錦
繡枝頭。委地人慵掃△
嫁與東風香染道△亂
紅疏雨妝新草△
年似流金難再討△陌
上桃花。自滿姿容好△
瑤蕊不知春易老△迎
霜只笑秋還早△

評語：委婉縝密，句句閑愁。

譚浩妍 瑪利諾修院學校

蝶戀花 詠梅 (中學部)

深染玲瓏花色醉△雪
月花時。斂目低垂淚△
欲把離愁都碾碎△終
和別恨雙成對△
雪落風吹花欲墜△夜
夢千回。憶舊人憔悴△
花近高樓慵綻蕊△月
臨故地愁深邃△

評語：見梅憶舊，宛轉愁多。

特別獎

庄詩怡 香港都會大學

蝶戀花 各奔東西

夢寐孩提心尚慕△弄
馬青梅。歲月輕驚顧△
急雨叩簷雖止緒△入
窗錯落長干誤△
屐下錦途天地赴△道
道方方。風月皆傾負△
鄉意設筵難解語△冷
煙欲寄心憂去△

評語：言聚散，爽快有力。

楊雯鈴 珠海學院

蝶戀花 應酬

宴局觥籌人欲醉△調
笑乾杯。走馬燈紅翠△
極盡阿諛求一字△他
朝權重誰無畏△
年老方知酬酢累△空
苦無常。日月難回退△
名利皆為身外事△為
錢消得人憔悴△

評語：對比分明，能醒名利客。